



TOSHKENT DAVLAT YURIDIK UNIVERSITETI REKTORINING B U Y R U G ' I

2020-yil «3» dekabr

02-214-son

Талабаларга ҳайфсан эълон қилиш тўғрисида

Бугунги кунда университетда юқори малакали юридик кадрларни тайёрлаш мақсадида талабаларни маънавий-ахлоқий тарбиялаш, уларнинг ҳуқуқий маданияти ва онгини ошириш бўйича самарали тизимни яратиш, уларда юксак маънавий-ахлоқий фазилатларни шакллантириш ҳамда ривожлантириш мақсадида бир қатор комплекс чора-тадбирлар амалга оширилмоқда.

Шунга қарамасдан айрим талабалар томонидан университет ички тартиб қоидаларини бузиш ҳолатлари кузатилмоқда.

Хусусан, 2020 йилнинг 25 ноябрь куни 2-сон Талабалар турар жойи мудир – комплекс раҳбари Н.Шайзаков томонидан университетнинг Жиноий одил судлов факультети 1-курс талабалари Исоқов Фурқатжон Аҳмаджон ўғли ва Ҳожиев Жавоҳир Сойиб ўғлиларнинг Талабалар турар жойи 2-бино, 2-қавати, 211-хонасида ўзаро келишмовчилик асосида жанжаллашиб муштлашганлик ҳолати аниқланган.

Талабалар мазкур хатти-ҳаракатлари билан Тошкент давлат юридик университети Одоб-ахлоқ кодексининг 14-модда 2-хатбоши (университет, унинг ходимлари, талабалари ва докторантлари номи ва манфаатларига зиён етказадиган ҳаракатларни амалга оширмаслик, шунингдек, улар билан мулоқот қилганда ҳамда ижтимоий тармоқлардаги ёзишмаларида ўзларининг намунали хулқ-атвори билан Университет ҳақида юксак ижобий таасурот уйғотиш) ҳамда 16-моддаси 4-хатбоши (тинчлик ва осойишталикка қарши тажовуз қилиш, жанжаллашиш), 18-моддаси 2-хатбоши (ходим, талаба ва докторантларнинг ўзаро муносабатларида инсон қадр-қимматига ҳурматсизлик, шахсиятни камситиш, ўзганинг интеллектуал мулкини ўзлаштириб олиш, қўполлик, беҳаё сўзлар ишлатиш, муштлашиш қатъиян ман этилади)да кўрсатиб ўтилган қоидаларни қўпол равишда бузишган.

Бундан ташқари, университет ва мазкур талабалар ўртасида “Талабалар турар жойидан хона ва жиҳозлар бериш тўғрисида”ги шартнома тузилган бўлиб, талабалар ушбу шартноманинг 2.4-банди 8-қисмида белгиланган талабалар турар жойида яшаётган бошқа талабалар билан самимий ва аҳил муносабатда бўлиш каби талабларни ҳам қўпол равишда бузишган.

Юқоридагиларни инобатга олиб, Олий таълим тўғрисидаги низом (2003 йил 22 февраль, рўйхат рақами 1222) 51-банди ва университет ректорининг 2017 йил 7 сентябрдаги 08-338-сон буйруғи билан тасдиқланган Тошкент давлат юридик университети Ички тартиб қоидаларининг 83-бандига асосан ҳамда 2-сон Талабалар турар жойи мудир – комплекс раҳбари Н.Шайзаковнинг билдиргисига мувофиқ,

БУЮРАМАН:

1. Университетнинг Одоб-ахлоқ кодекси ҳамда шартнома шартларини бузганлиги учун Жиноий одил судлов факультети 1-курс талабалари Исоқов Фурқатжон Аҳмаджон ўғли ва Ҳожиев Жавоҳир Сойиб ўғлиларга ҳайфсан эълон қилинсин ҳамда Талабалар турар жойидан чиқартирилсин.

2. Жиноий одил судлов факультети Ёшлар билан ишлаш бўйича декан ўринбосари (М.Нодиров):

ушбу буйруқ билан факультет талабалари ва Талабалар турар жойида истиқомат қилувчи талабаларни таништирсин;

мазкур ҳолат такрор содир этилса талабаларни талабалар сафидан четлаштирилиши тўғрисида огоҳлантирсин;

талабалар томонидан содир этилган ҳолат юзасидан уларнинг ота-онаси (яқин қаришдошлари)га хабар берилсин.

мазкур талабаларнинг шахсий ҳужжатлар йиғмажилдига буйруқ нусхалари тикилишини таъминласин.

3.Мазкур буйруқ бажарилишини назорат қилиш проректор А.Ҳошимхонов зиммасига юклансин.

Ректор



Р.Ҳакимов

Лойиҳа киритди:

Жиноий одил судлов факультети
Ёшлар билан ишлаш бўйича
декан ўринбосари

М.Нодиров

Келишилди:

Ёшлар билан ишлаш
бўйича проректор

А.Ҳошимхонов

Маънавият ва маърифат
маркази директори

Ш.Пўлотов

Катта юрисконсулт

Э.Ҳосилов